



UNDANG-UNDANG MALAYSIA

VERSI ATAS TALIAN TEKS CETAKAN SEMULA
YANG KEMAS KINI

Akta 462

AKTA BANK PEMBANGUNAN ASIA 1966

Sebagaimana pada 1 Disember 2011

AKTA BANK PEMBANGUNAN ASIA 1966

Pertama kali diperbuat ... 1966 (Akta No. 51 tahun 1966)

Disemak 1991 (Akta 462 m.b.p 23 Julai 1991)

UNDANG-UNDANG MALAYSIA

Akta 462

AKTA BANK PEMBANGUNAN ASIA 1966

SUSUNAN SEKSYEN

Seksyen

1. Tajuk ringkas
2. Tafsiran
3. Kesan ratifikasi perjanjian
4. Kuasa untuk memohon beli syer saham modal Bank
5. Jumlah wang yang kena dibayar kepada Bank hendaklah dipertanggungkan kepada Kumpulan Wang Disatukan
6. Memperdapatkan wang dan mengeluarkan nota tidak boleh niaga dan perwujudan obligasi lain
7. Penerimaan
8. Perintah untuk menguatkuasakan perjanjian

UNDANG-UNDANG MALAYSIA

Akta 462

AKTA BANK PEMBANGUNAN ASIA 1966

Suatu Akta untuk membolehkan penguatkuasaan suatu perjanjian antarabangsa bagi penubuhan dan pengendalian Bank Pembangunan Asia dan untuk membolehkan Malaysia menjadi anggotanya dan untuk membuat peruntukan bagi perkara yang berkaitan dengannya.

[28 Julai 1966]

MAKA INILAH DIPERBUAT UNDANG-UNDANG oleh Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti yang berikut:

Tajuk ringkas

1. Akta ini bolehlah dinamakan Akta Bank Pembangunan Asia 1966.

Tafsiran

2. Dalam Akta ini, melainkan jika konteksnya menghendaki makna yang lain—

“Bank” ertinya Bank Pembangunan Asia yang ditubuhkan oleh perjanjian;

“Menteri” ertinya Menteri Kewangan;

“perjanjian” ertinya perjanjian antarabangsa bagi penubuhan dan pengendalian Bank Pembangunan Asia yang ditandatangani di Manila, Filipina pada 4 Disember 1965;

“Perkara” ertinya Perkara perjanjian.

Kesan daripada ratifikasi perjanjian

3. Sekiranya perjanjian itu diratifikasikan oleh dan bagi pihak Kerajaan Malaysia dan perjanjian menurut Perkara 65 di dalamnya mula berkuat kuasa (sama ada sebelum, pada atau selepas ratifikasi tersebut), seksyen berikut hendaklah berkuat kuasa.

Kuasa untuk memohon beli pada syer saham modal Bank

4. Menteri adalah dengan ini diberi kuasa untuk memohon beli bagi pihak Kerajaan Malaysia—

- (a) pada syer saham modal dibenarkan yang asal bagi Bank mengikut seksyen 1 Perkara 5 dalam apa-apa amaun yang tidak akan melebihi dua puluh (20) juta dolar Amerika Syarikat;
- (b) jika saham modal dibenarkan yang asal bagi Bank adalah dinaikkan mengikut seksyen 2 Perkara 5, sebanyak suatu kadar kenaikan saham sebagaimana diperuntukkan dalam seksyen itu; dan
- (c) jika syer Malaysia telah dinaikkan atas permintaan Kerajaan Malaysia mengikut seksyen 3 Perkara 5, sebanyak amaun kenaikan tersebut.

Jumlah wang yang kena dibayar kepada Bank hendaklah dipertanggungjawabkan kepada Kumpulan Wang Disatukan

5. (1) Maka hendaklah dipertanggungjawabkan kepada Kumpulan Wang Disatukan bagi Malaysia—

- (a) semua jumlah wang yang kena dibayar kepada Bank dengan cara mohon beli pada saham modal dibayarnya, di bawah dan mengikut cara pembayaran baginya sebagaimana diperuntukkan dalam seksyen 1 Perkara 6;

- (b) semua jumlah wang yang kena dibayar kepada Bank dengan cara mohon beli pada saham modal boleh dipanggilnya sebagaimana dan bila dikehendaki oleh Bank seperti dinyatakan di bawah seksyen 5 Perkara 6;
- (c) semua jumlah wang yang kena dibayar kepada Bank dengan cara kenaikan syer saham modal bank yang dimohon beli oleh Kerajaan Malaysia mengikut seksyen 2 dan 3 Perkara 5;
- (d) semua jumlah wang yang kena dibayar kepada Bank di bawah mana-mana peruntukan lain perjanjian itu; dan
- (e) semua jumlah wang yang dikehendaki bagi penebusan mana-mana nota atau obligasi yang diwujudkan atau dikeluarkan kepada Bank di bawah seksyen 6 Akta ini.

(2) Semua jumlah wang yang dipertanggungkan kepada Kumpulan Wang Disatukan bagi Malaysia di bawah seksyen ini boleh dibayar dengan emas atau dolar Amerika Syarikat atau mata wang boleh tukar atau dengan mata wang Malaysia.

Memperdapatkan wang dan mengeluarkan nota tidak boleh niaga dan perwujudan obligasi lain

6. Bagi maksud memperuntukkan mana-mana jumlah wang yang dipertanggungkan kepada Kumpulan Wang Disatukan bagi Malaysia di bawah seksyen 5, Menteri boleh mewujudkan suatu keluaran kepada Bank dalam apa-apa bentuk yang difikirkannya patut apa-apa nota yang tidak membawa faedah dan yang tidak boleh niaga atau lain-lain obligasi yang Bank boleh, di bawah seksyen 3 Perkara 6, tentukan untuk setuju terima sebagai ganti keseluruhan atau mana-mana bahagian jumlah wang tersebut yang, jika tidak kerana persetujuteraan tersebut oleh Bank, kena dibayar dengan mata wang Malaysia.

Penerimaan

7. Semua jumlah wang yang diterima oleh atau bagi pihak Malaysia daripada Bank hendaklah dibayar ke dalam Kumpulan Wang Disatukan bagi Malaysia.

Perintah untuk menguatkuasakan perjanjian

8. (1) Yang di-Pertuan Agong boleh melalui perintah membuat apa-apa peruntukan yang difikirkannya semunasabahnya perlu untuk menguatkuasakan perjanjian itu yang berhubungan dengan taraf, kekebalan dan keistimewaan Bank dan gabenor, pengarah eksekutif, silih ganti, pegawai dan pekerja masing-masingnya.

(2) Tanpa menjejaskan keluasan subsekyen (1), apa-apa perintah yang dibuat di bawah subseksyen itu boleh mengisytiharkan bahawa mana-mana peruntukan tertentu perjanjian hendaklah mempunyai kuat kuasa undang-undang di Malaysia.

(3) Apa-apa perintah yang dibuat di bawah seksyen ini boleh diubah atau dibatal oleh perintah yang kemudian.

(4) Tiada apa-apa jua dalam seksyen ini boleh ditafsirkan sebagai menghadkan kuasa Yang di-Pertuan Agong di bawah seksyen 4 *Ordinan Keistimewaan Diplomatik dan Konsular 1957 [*Ord. 53 tahun 1957*], untuk mengisytiharkan Bank sebagai suatu organisasi seperti yang disebut dalam subseksyen (1) seksyen itu atau mana-mana kuasa Yang di-Pertuan Agong di bawah Ordinan itu untuk memberi kepada Bank atau pegawai atau pekhidmatnya atau kepada mana-mana orang lain yang berkaitan dengannya mana-mana kekebalan atau keistimewaan yang tidak dinyatakan dalam perjanjian.

*CATATAN— Ordinan Keistimewaan Diplomatik dan Konsular 1957 [*Ord. 53/1957*], telah dimansuhkan oleh Akta Keistimewaan Diplomatik (Konvensyen Vienna) (Pindaan) 1999 [*Akta A1064*]-lihat seksyen 5 Akta A1064.

UNDANG-UNDANG MALAYSIA**Akta 462****AKTA BANK PEMBANGUNAN ASIA 1966****SENARAI PINDAAN**

Undang-undang yang meminda	Tajuk ringkas	Berkuat kuasa dari
Akta 74/1967	Akta Bank Pembangunan Asia (Pindaan) 1967	28-07-1966

UNDANG-UNDANG MALAYSIA**Akta 462****AKTA BANK PEMBANGUNAN ASIA 1966****SENARAI SEKSYEN YANG DIPINDA**

Seksyen	Kuasa meminda	Berkuat kuasa dari
5	Akta 74/1967	28-07-1966
